



東漢會要目錄



奉議郎武學博士

徐臣書麟

上進

卷第一

帝係上

帝號

皇太后皇后

母后稱制

卷第二

帝絲下

皇太子

皇子

宗室

公主

內職

諸園貴人

出宮人

卷第三

禮一 吉禮

禮樂

禮儀

光武即位告天

郊

封禪

卷第四

禮二 吉禮

北郊

明堂

辟雍

靈臺

宗廟

禘祫

原廟

卷第五

禮三 吉禮

社稷 五祀

靈星

六宗

祠孔子

高禩

飲酎

雜祭祀

齋

夕牲

迎氣

立春

立夏

夏至

黃郊

立秋

立冬



冬至

合朔

五供

親耕

親蠶

袞禊

請雨

桃印

貍劉

臘祖

大懽

土牛

卷第六

禮四 嘉禮

行幸

循守

朝會

上尊號

上壽

拜皇太子

拜諸侯王公

養老

案比

冠

婚

大躬

鄉飲

詔令 璽書 尺一

章奏

封事 卓囊

卷第七

禮五 賓禮

封先代後

封孔子後

禮六 軍禮

講武

校

饗衛士



禮七 凶禮

山陵

寢園

上陵

大喪

服制

奪服

卷第八

樂

樂武

詩頌

四夷樂

卷第九

輿服上 符璽附

玉輅

乘輿

金根

安車

立車

耕車

戎車

獵車

駟車

青蓋車

綠車

阜蓋車

夫人安車

大駕

法駕

小駕

輕車

大使車

小使車

載車

尊從卒

車馬飾

警蹕

爾

百官印

節

符

祭

關

卷第十

輿服下

總叙冠服

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

功士冠

却非冠

却敵冠

樊會冠

術民冠

鷓冠

幘

佩王

佩刀

佩印

黃赤綬

赤綬

綠綬

紫綬

黃綬

黑綬

青綬

青紺綸

后夫人服

車服雜錄



卷第十一

大學上

帝學

宮邸學

郡國學

大學

鴻都門學

卷第十二

文學中

國史

經學

易家

詩家

圖書

五經諸儒

尚書家

禮家

春秋家

卷第十三

文學下

講論經義

論浮屠

論讖

卷第十四

曆數上

律準

賈逵論曆

延先論曆

熹平論曆

侯氣

永元論曆

漢安論曆

論月食



曆元

卷第十五

曆數中

服色

改元

時令

符命

祥瑞

渾儀

卷第十六

曆數下

天文

隕石

五行變異

卷第十七

封建上

封皇子

封皇室

封先代後孔子後見賓禮封功臣

錄功臣後

紹封

公封

公子封

宰相封

外戚恩澤侯

官者封侯

關內侯

卷第十八

封建下

列侯

關內侯

爵

王侯號

持進侯

持祠侯

小侯

王主

婦人封號

四夷國

位次

戶邑

國租

第土

朝賀

奉朝請

就園

王國官屬

侯國官屬

郵典

卷第十九

職官一

太傅

錄尚書事

右上公

大尉

司徒

司空

布三公

將軍

自太傅至將軍為伍府

太常

光祿勳

衛尉

大僕

廷尉

大鴻臚

宗正

大司農

少府



右九卿

卷第二十一

職官二

執金吾

太子太傅

大長秋

太子少傅

將作大匠

城門校尉

北軍中候

司隸校尉

河南尹

刺史

列郡

縣道

卿亭

諸郡別置官

使匈奴中郎將

護烏亘都尉

詔羗校尉

西園八校尉

卷第二十一

職官三

品秩

奉祿

官稱

考課

刺舉 舉稱言

世官

久任

行領試守假 為真

卷第二十二

職官四

集議

侍講

上計

給事中



侍詔

圖功臣

省官

官教

卷第二十三

職官五

奉使外國

案行災害 清詔使

班宣風化

戒官吏

旌節義

外戚貴盛

卷第二十四

職官六

官官擅權

卷第二十五

職官七

黨錮始末

恩賜

休沐

致仕

嚮官

卹典

贈官

雜錄

卷第二十六

選舉上

賢良方正

博士弟子

孝廉 廉吏

至孝

有道

淳厚質直

仁賢

茂才四行

明經

計偕

將帥

耆儒

試尚書

試博士公孫

童子

任子

卷第二十七

選舉下

公府選舉

公府辟除

州郡辟除

郡吏

上計吏

聘處士

宣陵孝子

選舉雜錄

卷第二十八

民政上

戶口

三老

鄉亭長

民伍

孝悌力田

勸農桑

假民田苑

蠲假稅

賜民爵

賜粟帛

卷第二十九

民政中

賜酺

復除

宗孝行

戒奢侈

荒政上

卷第三十



民政下

荒政下

奴婢

禁厚葬

產遺骸

卷第三十一

食貨

田制

租稅

筭賦

口賦

更賦

詞度

財用

錢幣

鹽鐵

禁沽酒

罷貢獻

卷第三十二

兵上

光武中興

光武平赤眉

光武平漁陽

光武平齊

光武平隴蜀

卷第三十三

兵中

宿衛

衛士

金吾緹騎

北軍吾營

將軍領兵

城門兵

黎陽營

雍營



西園軍

郡國兵積射奔命

奕騎

募罪徒戍邊

徒民實邊

命將

兵法

兵器

兵符

馬政

卷第三十四

兵下

屯田

亭侯塢壁

烽燧

障塞

盜賊

刻石紀功

類祭告功

卷第三十五

刑法上

法令

刑制

贓罪

選舉不實

恤刑贖罪

卷第三十六

刑法下

中都官獄

新獄案罪

律學

赦宥

卷第三十七

方域上

都邑

與地圖

省併郡國

十三部上

卷第三十八

方域下

十三部下

復九州

宮苑

宮掖門象魏

雒陽城門

街市

宮苑雜錄

河渠水利

閔梁

傳置

卷第三十九

蕃夷上

東夷

南蠻

西南夷

西羌

卷第四十

蕃夷下

西域

南匈奴  
北匈奴

烏桓

鮮卑

東漢會要目錄



東漢會要卷第一

奉議郎武學博士

臣徐

天麟

帝系上

帝號

世祖光武皇帝諱

日茂字

文叔南陽人高祖九世孫也出

自景帝生長沙定王發口生春陵節侯買買生鬱林太守

外外生鉅鹿都尉回回生南頓令欽欽生光武王莽末起

兵於宛更始元年兄伯升立劉聖公為天子伯升為大司

徒光武為太常偏將軍破莽軍於昆陽更始拜光武為破

虜大將軍封武信侯九月三輔豪傑共誅王莽傳首詣宛

更始將北都洛陽以光武行司隸校尉更始至洛陽力遣





光武以破虜將軍行大司馬事持節北度河鎮慰州郡二年更始遣使立光武為蕭王建武元年即皇帝位于鄗南中元二年二月帝崩年六十二葬原陵有司奉上尊廟曰世祖

諡能紹前業日光武定禍亂日武

年號建武三十一元武二十一

太傅卓茂

大司馬吳漢 劉隆

太尉趙熹

大司徒鄧禹 伏甚 侯霸 韓歆 歐陽歆 戴沙 蔡沙 王況

司徒馮勤 李訢

大司空王梁 宗弘 李通 馬成 竇融 朱浮 杜林

司空張純 馮魴

顯宗孝明皇帝諱莊之字嚴光武第四子也母陰皇后建武十五年封東海公十七年進爵為王十九年立為皇太子中元二年二月戊戌即皇帝位永平十八年秋八月壬子帝崩年四十八壬戌葬顯節陵十二月癸巳有司奏宜尊廟曰顯宗

諡照臨四方曰明

年號永平十八

太傅鄧禹

太尉趙熹 虞延 趙熹

司徒李訢 郭丹 范遷 虞延

司空馮勤

肅宗孝章皇帝諱旦旦之字顯宗第五子也母賣貴人永平三年立為皇太子十八年八月壬子即皇帝位年十九章和二年正月壬辰帝崩年三十三三月丁卯葬敬陵辛酉有司上奏請上尊廟曰肅宗

謚溫克令儀

年號建初八 元和三 章和

太傅趙熹

太尉年融 鮑昱 鄧彪 鄭弘 宋田

司徒鮑昱 桓虞 袁安

司空第五倫 袁安 任隗

孝和皇帝肇之字始始肅宗第四子也母梁貴人卒竇后養帝以為己子建初七年立為皇子章和二年二月壬辰即皇帝位年十歲永元三年正月帝加元服元興元年十二月辛未帝崩年二十七延平元三月甲申葬慎陵尊廟曰穆宗

獻帝元初二年省去廟號

謚柔曰不和

年號永元十六 元興一

太傅鄧彪

太尉宋田 尹睦 張酺 張禹

司徒袁安 魯恭 張丁鴻 輔 劉方 徐防 呂蓋



司空

任隗

劉方

張奮

韓稜

孝殤皇帝諱隆

之字

和帝少子也元興元年十二月辛未

夜即皇帝位時誕育百餘日皇太后臨朝廷卒元年八月

辛亥崩年二歲九月丙寅葬康陵

謚

短折不成曰殤

太傅

張禹

太尉

徐防

司徒

梁韜

司空

陳寵

尹勤

恭宗孝安皇帝諱祐

之字

福肅宗孫也父清河孝王慶母左

姬延平元年八月殤帝崩太后使鄧騭持節迎帝拜為長

侯詔以祐為孝和皇帝嗣即皇帝位年十三太后猶臨朝

永初三年正月庚子帝加元服延光四年二月甲辰南循

狩三月庚申幸宛乙丑自宛還丁卯幸葉帝崩丁乘興年

三十二庚午還宮辛未夕乃發喪四月己酉葬恭陵廟曰

恭宗

獻帝元初二年省去廟號

謚

寬容和干曰安

年號

元初六

永寧

建光一

太傅

張禹

太尉

徐防

張禹

李修

司馬苞

司徒

梁貺

魯恭

夏勤

司空

尹勤

周章

張敏

劉愷



孝順皇帝諱保之字安帝子也母李氏永寧元年立為皇太子延光三年廢為濟陰王明年三月安帝崩北鄉侯立濟陰王以廢點不得上殿及北鄉侯薨中黃門孫程等迎濟陰王即皇帝位年十一建康元年八月帝崩時年三十九月丙午葬憲陵廟曰敬宗獻帝元初二年皆去廟號

謚慈和編

年號永建二

揚嘉四

永和六

太傅馮石

桓為

太尉劉熹

朱寵

劉光

龐參

施延

司徒李邨

朱儀

許敬

劉崎

司空劉扶

陶敦

張皓

王龔

孝冲皇帝諱炳之字順帝之子也母曰虞貴人建康元年立為皇太子其年八月庚午即皇帝位年二歲皇太后臨朝永嘉元年正月戊戌帝崩年三歲己未葬懷陵

謚幼小在位曰冲

年號永嘉一

太傅趙峻

太尉李固

司徒胡廣

司空趙戒

孝質皇帝諱績之字肅宗元孫曾祖父千乘正王伉祖父樂安夷王寵父勃海孝王鴻母陳夫人冲帝不豫大將軍

梁冀召帝列洛陽都亭及冲帝崩皇太后與冀定策禁中使冀持節以王青盖車迎帝入南宮封為建平侯其日即皇帝位年八歲本初元年閏六月甲申大將軍梁冀潛行鳩弒帝崩年九歲七月乙卯葬靜陵

謚忠正无邪曰質

年號本初一

太傅 闕

太尉 李固 胡廣

司徒 胡廣 趙戒

司空 趙戒 袁湯

孝威皇帝諱志之字肅宗曾孫也祖父河間孝王開父蠡

吾侯翼母匱氏翼卒帝襲爵為侯本初元年梁太后召帝到夏門亭將妻以友弟會質帝崩太后遂與兄大將軍冀定策禁中閏六月庚寅即皇帝位時年十五太后猶臨朝政建和二年正月甲子帝加元服永康元年十二月丁丑帝崩年三十六建寧元年二月辛酉葬宣陵廟曰威宗帝

元初二年省去廟號

謚克敵服遠曰威

年號建初七 永壽三

和平一 延熹九

元嘉一 永康一

永興一

太傅 闕

太尉 胡廣 杜喬 趙戒 袁湯 胡廣 黃瓊

司徒 趙戒 袁湯 張歆 吳雄 黃隆 尹頌

韓演 祝恬 盛允 种嵩 許相 胡廣



司空

袁湯 孫明

胡廣 盛允

黃瓊 虞放

趙戒 黃瓊

房植 劉寵

周景 韓續

劉茂 宣豐

孝靈皇帝諱宏

之字 曰大

肅宗元孫也曾祖河間孝王開祖淑

父萇世封解瀆亭侯帝襲侯爵母董夫人威帝崩無子皇

太后與父城門校尉竇武定策禁中奉迎殿入殿中建寧

元年正月庚子即皇帝位年十二四年正月甲子帝加元

服中年六年四月丙辰帝崩年三十四六月辛酉葬文陵

謚

亂而不 損曰靈

年號

建寧四 光和六

喜平六 中平六

太傅 陳蕃

太尉 周景 李咸

劉矩 段景

聞人襲 束耽

劉寵 許訓

郭禧 劉寬

聞人襲 孟誠

張穎 張走 馬日碑

孫元 張温

段頭 崔烈

劉寬 曹嵩

許馘 樊陵

揚賜 劉虞

司徒

胡廣 楊賜

劉寵 袁湯

許訓 劉郃

橋玄 劉郃

許相 陳軌

袁隗 袁隗

崔烈 許相

丁宮

司空

宣豐 宗俱

王湯 楊賜

許相 唐珍

劉翬 許訓

橋玄 劉逸

朱鑑 陳球

陳軌 許相

朱豔 丁宮

袁逢 劉弘

張濟

張温

揚賜

孝獻皇帝諱協 之字 曰合 靈帝中子也母王美人中平六年四

月靈帝崩戊午皇子辯即皇帝位年十七改元為光熹封

皇帝協為勃海王七月徙為陳留王八月辛未改光熹為

昭寧九月甲戌董卓廢少帝為弘農王是日陳留王即皇

帝位年九歲改昭寧為永漢十二月詔除光熹昭寧永漢



三號復還中十六年興平元年正月甲子帝加元服延康元年十月乙卯遜位于魏王丕奉帝為山陽公邑一萬戶位在諸侯王上都山陽之濁鹿城魏青龍二年薨年五十四八月以漢天子禮儀葬于禪陵

謚聰明睿

年號初平四 興平二 建安二十四

太傅 袁隗 馬日磾

大司馬 劉虞 李傕

太尉 董卓 黃琬 趙謙 馬日磾 皇甫嵩

司徒 黃琬 楊彪 王允

丞相 曹操

司空 楊彪 趙溫 仲佛 淳于嘉

皇后皇太子

光武郭皇后諱聖通更始二年春光武至真定納后及即位以為貴人生皇子彊二年立為皇后彊為皇太子其後后寵稍衰十七年廢為中山王太后進后中子輔為中山王二十年輔徙封沛王后為沛太后二十八年薨葬北芒光烈陰皇后諱麗葉初光武聞后美璞曰仕宦當作執金吾娶妻當得陰麗華更始元年遂納后于宛光武即位以為貴人生顯宗十七年廢皇后郭氏立貴人為皇后顯宗即位尊為皇太后永平七年崩合葬原陵 明德馬皇后年十三選入太子宮顯宗即位以為貴人賈

貴人生肅宗以帝后無子令養之永平三年立為皇后常衣大練裙不加緣肅宗即位尊曰皇太后建初四年六月崩合葬顯節陵

賈貴人建武末選入太子宫生肅宗而顯宗以為貴人肅宗既為太后所養尊以為氏為外家故貴人不登極位及太后崩乃策書加貴人年赤綏安車一駟永巷宮人二百

章德竇皇后建初二年選入掖庭明年立為皇后梁貴人生和帝后養為己子欲尊名外家而忌梁氏乃作飛書以陷竦竦坐誅貴人以憂責和帝即位尊后為皇太后臨朝兄憲弟篤景並顯貴擅權威遂密謀不軌被誅九年太后崩未及葬而梁貴人姊嬀上書陳貴人在歿之狀太尉張

酺等奏請貶太后尊號不宜合葬先帝百官亦多上言者帝手詔曰禮臣子無貶尊上之文共勿濫議於是合葬敬陵改殯貴人上尊號曰恭懷皇后追服喪制

和帝陵皇后永元四年選入掖庭以先后近屬得為貴人八年立為皇后十四年廢遷于桐宮以憂死

和熹鄧皇后諱綏永元七年選入宮八年為貴人十四年夏陰后廢至冬立為皇后殤帝立尊后為皇太后臨朝殤帝崩太后定策立安帝猶臨朝政永寧二年崩合葬順陵

安思閻皇后諱姬元初元年以選入掖庭為貴人二年立為皇太后宮人李氏生皇子保后鴆殺李氏安帝崩北鄉侯立尊后曰皇太后皇太后臨朝少帝薨中黃門孫程等立



濟陰王是為順帝遷太后於離宮明年崩合葬恭陵  
安帝母李氏痊在洛陽城北帝初不知及太后崩左右白  
之帝感悟發喪更以禮殯上尊謚曰恭愍皇后葬北陵  
順烈梁皇后諱妣大將軍商之女也永建三年選入掖庭  
為貴人陽嘉元年立為皇后冲帝立尊為皇太后臨朝冲  
帝尋崩復立質帝猶秉朝政大將軍冀鴆殺質帝太后遂  
立威帝和平元年正月歸政於帝二月崩合葬憲陵  
虞美人者以良家子年十三選入掖庭生冲帝冲帝早夭  
大將軍梁冀秉政忌惡他族故虞氏抑而不登但稱大家  
而已陳夫人者少以聲伎入孝王宮生質帝以梁氏故榮  
寵不及焉熹平四年乃拜虞大家為憲陵貴人陳夫人為

勃海孝王妃

孝宗隱皇后諱明為蠡吾侯翼媵妾生威帝威帝即位追  
尊翼為孝宗皇陵曰博陵以后為博園貴人和平元年梁  
太后崩乃就博陵尊后為孝宗皇后元嘉二年崩合葬博  
陵

成帝懿獻梁皇后建和元年六月始入掖庭八月立為皇  
后延熹三年崩葬懿陵其歲誅梁冀廢懿陵為貴人家  
威帝鄧皇后諱女瑩永興中入掖庭為未女梁冀誅立后  
為皇后延熹八年廢后送暴室以憂死葬北邙  
威思竇皇后諱妙延熹八年選入掖庭為貴人其冬立為  
皇后永康元年帝崩后為皇太后臨朝定策立靈帝時太



后父大將軍武謀誅宦官而中常侍曹節等矯詔殺武遷  
太后於南宮雲臺熹平元年崩合葬宣陵

孝仁董皇后為解瀆侯長夫人生靈帝建寧元年帝即位  
追尊長為孝仁皇陵曰慎陵以后為慎園貴人及竇氏誅  
帝迎貴人上尊號曰孝仁皇子宫稱永樂及竇太后崩始  
預朝政帝崩何太后臨朝遷宮本國以憂疾病暴崩合葬  
慎陵靈帝宋皇后建寧三年選入掖庭為貴人明年立為  
皇后光和元年策收璽綬以憂死

靈思何皇后以選入掖庭生皇子辯拜后為貴人光和三  
年立為皇后王美人生皇子協后遂鳩殺美人六年帝崩  
辯即位尊后為皇太后臨朝董卓兵入廢少帝為弘農王

而立協是為獻帝卓遷太后於永安宮因進鳩殺而崩合  
葬文昭陵

靈懷王皇后以良家子選入掖庭生獻帝為何太后所殺  
興平元年追尊王美人為靈懷皇后改葬文昭陵

獻帝伏皇后初平元年入掖庭為貴人興平二年立為皇  
后建安十九年曹操逼帝廢后遷於它館遂將后下暴室  
以憂崩獻穆曹皇后諱節魏公曹操中女也建安十八年  
操進三女皆為貴人及皇后被弑立節為皇后魏氏既立  
以后為山陽公夫人魏景初四年薨合葬禪陵軍服禮儀

皆依漢制並后紀

范曄論曰漢世皇后無諡皆因帝諡以為稱雖呂氏專政

上官臨制亦無殊號中興明帝始建光烈之稱其後並以  
德為配至於賢遇 劣混同 故馬竇二后俱稱德為其  
餘皇帝之庶母及蕃王承統以追尊之重特為其號如恭  
懷孝崇之比是也初平中蔡邕始追止和熹之謚其安思  
順烈以下皆因而加焉

雜錄

順帝欲立皇后而貴人有寵者四人莫知所建議欲籌以  
神定選胡廣與尚書郭度史敞上疏諫曰竊見詔書以立  
后事大謙不自專欲假之籌策決疑靈神篇籍所記祖宗  
典故未嘗有也特神任筮既不必當賢就值其人猶非得  
選夫岐嶷刑於自然覩天必有異表宜參良家簡求有德

德同以年年鈞以貌稽之經典斷之聖慮政令猶汗往而  
下反詔文一下形之四方臣職在拾遺憂深責重是以焦  
心冒昧陳聞帝從之以梁貴人良家子定立為皇后

胡廣專

威帝延熹八年鄧皇后敗而田貴人見幸帝有建立之議  
應奉以田氏微賤不宜起登后位上書諫曰臣聞周納狄  
女襄王出居于鄭漢立飛燕成帝後嗣泯絕母后之重興  
廢所因宜思閔睢之所求遠五禁之所忌帝納其言竟立

竇皇后

應奉傳

立宋皇后儀尚書令臣鼎臣尚書明臣乘臣滂臣謨臣詣  
稽首言伏惟陛下履乾則坤動合陰陽羣臣大小咸以長  
秋宮未定尊舊依典章表仍聞歷時乃聽令月吉日以宋



貴人為皇后應期正位羣生兆庶莫不式舞易祗受茲介  
祉詩云千祿百福子孫千億萬方幸甚令吉日以定臣請  
太傅太尉司徒司空太常條列禮儀正處上群臣妾無得  
上壽如故事臣囂臣鼎臣明臣乘臣滂臣謨臣詣愚闇不  
達大義誠惶誠恐頓首死罪稽首再拜以聞制曰可之維  
建寧四年七月乙未制詔皇后之尊與帝齊體供奉天地  
祇承宗廟母臨天下故有莘與殷姜任母周二代之隆蓋  
有內德長秋宮闈中宮曠位宋貴人乘淑媛之懿體山河  
之義威容照曜德冠後庭群寮所咨人曰宜哉卜之著龜  
封得乘乾有司奏議宜祗紱組以臨兆民今使太尉襲使  
持節奏璽綬宗正祖為副立貴人為皇后其任賤璽位敬

宗禮典肅謹中饋無替朕命永終天祿皇后初即位章德  
殿太尉使持節奏璽綬天子臨軒百官倍位皇后北面太  
尉住蓋下東向宗正大長秋西向宗正讀策文畢皇后拜  
稱臣妾畢住位太尉襲授璽綬中常侍長樂大僕高卿侯  
覽長跪受璽綬奏於殿前女史授嬪好長跪受以授昭儀  
受長跪以帶皇后

拜稱臣妾訖黃門跋歛三通鳴鼓畢群臣以次出后即位  
大赦天下皇后秩北國王即位威儀赤紱玉璽

禮儀志注

母后稱制

章帝竇太后

和熹鄧太后

安思閼太后

順烈梁太后

威思竇太后

靈

永和六年皇太后始入宗廟與皇帝交獻

見宗廟條

范曄論曰自古雖主幼時艱王家多釁必委成家宰簡求忠賢未有哥任婦人斷割重器惟秦芊太后始攝政事故穰侯權重於昭王家富於嬴國漢仍其謬知患莫改東京皇統屢絕權歸女上外立者四帝臨朝者六后莫不定策雖帝委事父兄人貪該童以久其政抑明覽以專其威任重道悠利深禍連身死霧露於雲臺之上家嬰縲絏於圜犴之下湮威踵連傾軛繼路而赴蹈不息焦爛為期終陵夷大運淪亡神寶詩書所歎略同一揆

皇后紀

東漢會要卷第一



東漢會要卷第二

奉議郎武學博士臣徐

天麟

帝系下

皇太子

世祖建武二年立皇子彊為皇太子

母曰郭后

十九年郭后

既廢太子彊意不自安却憚說太子曰久處疑位上違孝道下近危殆不如辭位以奉養母氏太子從之數因左右及諸王陳其懇誠願備蕃國上不忍遲回者數歲六月戊申詔曰春秋之義立子以貴東海王陽皇后之子宜承大統皇太子彊崇執謙退願備藩國父子之情重文違之其以彊為東海王立陽為皇太子改名莊師事博士桓榮學

通尚書中元二年二月即皇帝位是為孝明皇帝 袁宏  
論曰夫建太子所以重宗統一民心也非有大惡於天下  
不可移也世祖中興漢業宜尊正道以為後法今天子之  
德未虧於外內寵既多嫡子遷位失矣然東海歸藩謙恭  
之心弥亮明帝承統友于之情愈篤雖長幼易位興廢不  
同父子兄弟至性無失以三代之道處之亦何以過乎  
明帝永平三年立皇子烜為太子少寬容好儒附明帝器  
重之十八年八月即皇帝位是為孝章皇帝  
章帝建初三年四月戊子立皇子慶為皇太子  
七年六月廢慶為清河王立皇子肇為皇太子  
章和二年二月即皇帝位是為孝和皇帝

和帝元興元年立皇子隆為皇太子夜即皇帝位是為殤  
帝安帝永寧元年立皇子保為皇太子延光三年安帝孔  
母王聖大長秋江京等與中常侍樊豐閹后妄造虛無譖  
讒太子九月廢皇太子為濟陰王明年三月安帝崩北鄉  
侯立濟陰王以廢黜不得上殿及北鄉侯薨車騎將軍閹  
顯及江京與中常侍劉安陳達等白太后祕不發喪而更  
召立諸王子乃閉宮門屯兵自守中黃門孫程等十九人  
共斬江京劉安陳達等迎濟陰王於德陽殿西鍾下即皇  
帝位年十一是為孝順皇帝

順帝建康元年四月辛巳立皇子炳為皇太子其年八月  
庚午即皇帝位是為孝冲皇帝

並帝紀



雜錄

東宮

班彪傳云東宮初建按震為長子震東方也故太子所

舊制太子食湯沐十縣周衛交戟五日一朝因坐東箱省視膳食其非朝日使僕中允旦旦請問而已明不媒殯廣其敬也

班彪傳

拜皇太子儀見禮類

世祖以太子舅陰戡守執金吾陰與為衛尉皆輔導太子誠性忠厚入雖極言正議及與賓客語未嘗及國事帝敬重之上以桓榮為議郎使授太子經使左中郎將鍾興授太子及宗室諸侯春秋賜興爵閔內侯與辭以無功帝曰生教訓太子及諸王非大功耶

顯宗始立為皇太子選求明經乃擢桓榮弟子何湯為虎

賁中郎將以尚書授太子世祖從容問湯本師為誰湯對

曰事沛國巨榮帝即召榮令說尚書甚善之

巨榮傳

建元二十八年上大會群臣問誰可傳太子者群臣承望上意皆言太子舅陰識可博士張佚正色曰今陛下立太子為陰氏乎為天下乎即為陰氏則陰侯可為天下則固宜用天下之賢才帝稱善曰欲置傳者以輔太子也今博士不難正朕况太子乎即拜佚為太子太傅以博士桓榮為少傅賜以輜車乘馬榮以太子經學成畢上疏謝曰臣幸得侍帷幄執經連年而智學淺短無以補益萬分今皇太子以聰叡之姿通明經義觀覽古今儲今副主莫能專精博學若此者也斯誠國家福祐天下幸甚臣師道已盡

皆在太子謹使掾臣汜再拜歸道太子報書曰莊童蒙學道九載而典訓不明無所曉識夫五經廣大聖言幽遠非夫天下之至精豈能與於此况以下才敢承誨命昔之先師謝弟子者有矣上則通達經旨分明章句下則去家慕鄉永謝師門今蒙下列不敢有辭願君謹疾如餐重愛玉

體桓榮傳

永平十五年上使越騎校尉亓郁郎中張酺授太子經二人朝夕侍講勸以經學是時太子家頗為奢侈酺每止諫甚見嚴憚會平陽公主薨太子同生也哀戚過禮酺以為太子舉措宜動合禮度因是上疏曰臣伏見皇太子仁厚寬明發言高遠卓然絕異非人所能及也今平陽公主薨

悲哀發中行體骨立思愛惻隱世希似是願臣愚淺不識大體以為宜選名儒高行以充師傳問訊起居之日太傅時賜燕所以宣德音以成聖德也侍中丁鴻仁而有遜達於從政謁者費憚資性淳篤遵領法度如並侍左右必能發起倣意增廣徽猷者也

表紀

清河孝王慶母朱貴人有寵肅宗立慶為皇太子竇皇后寵盛心內惡之日夜毀譖貴人母子遂漸見疎慶出居承祿觀七年遂廢太子慶而立皇太子肇梁貴人子也乃下詔書皇太子有失感無常之性愛自孩乳至今益章恐襲其母凶惡之風不可奉宗廟為天下主大義滅親况降退乎今廢慶為清河王皇子肇保育皇后承訓懷祐尊遠善



性將成其器蓋庶子慈母尚有終身之恩豈若嫡后事止  
義明哉今以肇為皇太子

清河王傳

安帝時皇太子驚病不安避幸安帝乳母野王君王聖舍  
太子乳母王男厨監邴吉等以馬聖舍新繕修犯土禁不  
可久御聖之其女未與大長秋江京及中常侍樊豐王男  
邴吉等互相是非聖永遂誣讚男吉皆幽囚死家屬徒北  
景太子思男等數為歎息京幽三懼有暖害妄造虛無間  
讒太子及東宮官屬帝怒召公卿以下會議麥立景竇等  
承旨皆以為太子當廢大僕來歷與大常桓焉廷尉張皓  
議曰經說年未滿十五過惡不在其身且男吉之謀皇太  
子容有不知宜選忠良保傳輔以禮義廢置事重此誠聖

恩所宜宿留帝不從是日廢太子為濟陰王時監太子小  
黃門籍建中傳高梵等皆以無罪徙朔方歷乃要結光勳  
役諷宗正劉偉將作大匠薛皓侍中閻丘弘陳元趙代施  
延大中大夫朱伉第五頡中散大夫曹成諫議大夫李尤  
符節令張敬持書侍御史龔調羽林右監孔顯城門司馬  
徐案衛尉守承樂闈長樂未央殿令鄭安世等十餘人俱  
詣鴻都門證太子無過龔調據法律明之以馬男吉孔罪  
皇太子不當坐帝與左右患之乃使中常侍奉詔贖群臣  
曰父子一體天性自然以義割恩為天下已歷諷等不識  
大典而與羣小共為謹謀外見忠直而內希後福飾邪違  
義豈事君之礼朝廷君開言事之路故宜一切假貸若懷

速不反當顯明刑書諫若莫不失色薛皓先頓首曰固宜如明詔歷佛然廷詣皓曰屬通諫何言而今復皆之大臣乘朝車處國事固得輾轉若此乎乃各稍自引起歷獨守關連日不肯去帝大怒乃兌歷兄弟官削國粗歷遂杜門不與親戚通時人為之震懷

未歷傳

安帝廢皇太子為濟陰王廷尉張皓大常桓為大僕未歷廷爭之不能得皓退而上疏曰昔賊臣江充造間讒至今戾國興兵終及禍難後壺関三老一言上乃覺悟雖追前失悔之何建今皇太子春秋方始十未見保傳九得之義宜簡賢輔就成聖質書奏不省

張皓傳

順帝擢种暘監太子於承光宮中常侍高梵從中單駕出

迎太子時太傅杜喬等疑不欲從惶惑不知所為暘乃手歛當車曰太子國之儲人命所係今常侍來無詔信何以知非姦邪今日有死而已梵舜屈不敢對馳奏之詔報太子乃得去

种暘傳

### 皇子

光武十一年郭皇后生東海恭王彊沛獻王輔濟南安王庸阜陵質王延中上簡王烏許美人生楚王英光烈皇后生顯宗東平憲王蒼廣陵思王荆臨淮懷公衡琅邪孝王

京

明帝九子賈貴人生章帝陰貴人生梁節王揚余七王乘哀王建陳敬王羨彭城靖王恭樂成靖王黨下印惠王衍



淮陽王聰擠陰悼王長本書不載母氏

章帝八子宋貴人生清河孝王慶梁貴人生和帝曹貴人

生濟北惠王壽河間孝王開余四王千乘正王伉平春悼

王全城陽懷王淑廣宗殤王萬歲不載母氏

和帝一子平原懷王勝並列傳

### 宗室

宗正卿掌序錄王國嫡度之次及諸宗室親屬遠近群國

歲因計上宗室名籍若有犯法當斡以上先上諸宗正宗

正以間乃報洪胡廣曰又歲一治諸王世譜差序秩第見官志

和帝元興元年宗室以罪絕者悉復蜀籍

永元十五年幸章陵祠舊宅會宗室於舊廬勞賜作樂

順帝永建元年宗室以罪絕者皆復蜀籍

陽嘉元年宗室蜀籍者一切復籍並紀封爵宗室見封門

### 公主

南頓君三女

湖陽長公主黃

新野公主元適鄧晨

寧平長公主伯姬適李道

世祖五女

舞陽長公主義適梁松

涇陽長公主中禮適竇固

館陶公主紅夫適韓光

滄陽公主禮劉適郭璜

鄜邑公主綬一作適陰豐

顯宗十一女

獲嘉長公主姬適馮柱

平陽公主奴適馮順

隆慮公主迎延適景襲

平氏公主次不言所適史闕文後放此

沁水公主致適鄧乾

平臯公主小姬適鄧蕃

浚儀公主適王度

武安長公主惠適耒稜

肅宗三女

魯陽公主臣

樂平公主小迎

咸安公主小氏

武德長公主男

平邑公主適馮由

陰安公主吉

和帝四女

修武長公主保

共邑公主成

臨潁公主利適賈建



聞善公主興

順帝三女

舞陽長公主生

軍長公主成男

汝陽長公主廣

威帝三女

陽安長公主華延適伏全

穎陰長公主堅

陽翟長公主修

靈帝一女

萬年公主某

漢制皇女皆封縣公主儀服同列侯其尊榮者加號長公主儀服同蕃王其後安帝威帝妹亦封長公主同之皇女其皇女封公主者所生之子襲母為列侯皆傳國於後並今紀

公主所食湯沐日國

百官志

諸公主每王家令一人其餘屬吏增減無常

用上

雜錄

威帝延熹

中荀

爽對策曰夫婦人倫之始王化之端故文

王作易上經

首

乾坤下經

首

咸常孔子曰天尊地卑乾坤

定矣夫婦之道所謂順也堯典曰嫫降二女於鴉汭殞于

虞降者下也殞者婦也言雖帝堯之女下嫁於虞猶屈体

降下勤脩婦道易曰帝乙婦妹以祉元吉婦人謂嫁曰歸

言湯以娶禮歸其妹於諸侯也春秋之義王姬嫁齊使魯王之不以天子之尊加於諸侯也今漢承秦法設尚王之義以妻制夫以卑臨尊違乾坤之道失陽唱之義孔子曰昔聖人之作易也仰則觀象於天俯則察法於地觀鳥獸之文與天地之宜近取諸身遠取諸物以通神明之德以類萬物之情今觀法於天則北極至尊四星妃后察法於地則崑山象失卑澤象妻觀鳥獸之文鳥則雄者鳴噪雌能順服獸則牡為唱尊牝乃相從近取諸身則乾為人首坤為人腹遠取諸物則木實屬天根荻屬地陽尊陰卑蓋乃天性且詩初篇實首閔睢禮始冠婚先正夫婦天地六經其指一揆宜改尚主之制以稱乾坤之性遵法堯湯式

是周孔合之天地而不謬質之鬼神而不疑人事如此則嘉瑞降天吉符出地五禮咸備各以其叙矣

前爽傳

四取

周禮王者立后三夫人九嬪二十一世婦八十一女御以備內戚秦并天下多自驕大官備七國爵列八品

前書曰漢興因

秦之稱號正嫡稱皇后妾皆稱夫人又漢興因循其號而有美人良人八子七子長使少使之號

婦制莫登高祖孝文選尚納簡飾玩少華自武元之後世

增淫費至乃震庭三千增級十四

婕妤一姮娥二容華三

儀五元帝置美人六良人七子八子九長使十少使十一五十二順帝十三舞消共和娛靈保林良使夜者十

四此六官品秩妖倖毀政之符外姻亂邦之迹前史載之

詳矣及光武中興斷彫為朴六宮稱號惟皇后貴人貴人



金印紫綬奉不過粟數十斛又置美人宮人采女三等並  
無爵秩歲時賞賜充給而已漢法常因八月筭人遺中大  
夫與掖庭丞及相工於洛陽鄉中閱視良家童女年十三  
以上二十以下姿色端麗合法相者載還後宮擇視可否  
乃用登御所以明謹聘納詳求淑慝明帝聿遵先旨宮教  
頗修登建嬪后必先令德內無出間之言權無私溺之援  
可謂矯其敝矣何使因設外戚之禁編著甲令改正后妃  
之制貽厥方來豈不休哉雖御已有度而防間未駕故孝  
章以下漸用已授息隆好合遂忘淄臺皇紀  
鄧太后久臨朝致宮婢出入其者宿者皆稱中大夫鄧后紀  
女尚書陳藩傳注言宮內官也

皇子封王妾數無限別乃制設正適曰妃取小夫人不得  
過四十人百官志注

諸園貴人

諸園貴人安紀注云謂宮人元子守因陵者也

明帝崩諸貴人當徙居南宮馬太后咸析別之懷各賜王  
赤綬加安車駟馬白越三千端雜帛二千足黃金十斤馬后紀

和帝葬後宮人並歸園太后賜周鴻貴人策曰朕與貴人  
託配後庭共觀等列先帝早棄天下孤心笄口今當以舊  
典分歸外園慘結增歎其賜王貴人青蓋車采飾輅驂馬  
各一駟黃金三十斤雜帛三千足白越三千端又賜馮貴  
人王赤綬以未有步搖環佩加賜各一具和熹鄧后紀

殤帝延平元年竇太后詔諸園貴人其宮人有宗室族若  
羸老不任使者令園監上名太后自御北宮增喜觀閱問  
之恣其去留即日免遣者五六百人

皇后紀

### 出宮人

殤帝延平元年皇太后詔司徒大司農長樂少府曰朕以  
憑德佐助統政夙夜經營懼失厥裏思惟治道由近及遠  
先內後外自建武之初以至于今八十餘年宮人歲增房  
御彌廣又宗室坐事設入者猶託名公族甚可愍焉今悉  
免遣及掖庭宮人皆為庶民以為幽隔鬱滯之情諸官府  
郡國王侯家奴婢姓劉及瘦癯羸老皆上其名務令實悉

紀又素紀云詔免掖庭宮人六百餘人皆為庶人

順帝陽嘉中郎顛上疏臣竊見皇子未立諸宮無主仰觀  
天文太子不明熒惑東入車轅出后星北車轅者後宮也  
熒惑者至陽之精也而出入車轅統還往來易曰天垂象  
見吉凶其意昭然可見矣禮天子一娶九女嫡勝早具令  
宮人侍御動以千計或生而為隔人道不通鬱積之氣上  
感皇天故遣熒惑入車轅垂象見異以悟主上昔武王下  
車出傾宮之女表商容之間以理人倫以表賢德故天授  
以聖子成王是也今陛下多積宮人以違天意故皇嗣多  
夭詩云敬天之怒不敢戲豫方今之福莫若廣嗣廣嗣之  
術可不深思宜簡出宮女恣其姻嫁則天自降福子孫千  
億惟陛下丁寧再三留神於此



威帝延熹二年光祿勳陳蕃上疏曰比年收歛十傷五六萬人飢寒不聊生活而采女數千食肉衣綺脂油粉黛不可貲計鄙諺言盜不過五女門以女貧家也今後宮之女豈不貧國乎是以傾宮嫁而天下化楚女悲而西宮灾且聚而不御必生悲憂之感以致并隔水旱之困

云云陳蕃傳

九年荀爽對策曰臣竊聞後宮采女五六千人從官侍使浚在其外冬夏衣服朝夕廩糧耗費縑帛空竭府藏賦調增倍十而稅一空賦不辜之民以供無用之女百姓窮困於外陰陽隔塞于內故感動和氣炭異屢臻臣愚以為諸非礼聘未曾幸御者一皆遣出使成配合一日通怨曠和陰陽二日省財實府藏三日修理制綬眉壽四日配陽施

祈蠶五日寬賦役安黎民此誠國家之大福也

荀爽傳

東漢會要卷第二

東漢會要卷第三

奉議郎武學博士臣徐天麟

上進

禮一吉禮

禮樂

建武五年光武幸太學稽式古典修明禮樂煥然文物可觀矣通鑑

曹充持慶氏禮建武中為博士從循狩岱宗定封禪禮還受詔議立七郊三雍大射養老禮義顯宗即位充上言漢再受命仍有封禪之事而禮樂崩闕不可為後嗣法五帝不相沿樂三王不相襲禮大漢自制禮以示百世帝問制禮樂云何充對曰河圖括地象曰有漢世禮樂文雅出尚



書璇璣鈴曰有帝漢出德洽作樂名予帝善之下詔曰今且改大樂官曰大予樂詩曲操以俟君子

曹充傳

永平初是時中興三十餘年四方無虞東平王蒼以天下化平宜修禮樂乃與公卿共議定南北郊冠冕車服制度及光武廟登歌八佾無語在禮樂輿服志

注云其志今亡

永平二年上始師群臣躬養三老五更于辟雍行大射之禮群縣道行鄉飲酒于學校於是七郊禮樂三雍之義備

矣

禮樂志

和帝永元九年張奮上疏曰聖人所美政道至要本在禮樂五經同歸而禮樂之用尤急孔子曰安上治民莫善於禮移風易俗莫善於樂又曰揖遜而化天下者禮樂之謂

也先王之道禮樂可謂盛矣孔子謂子夏曰禮以修外樂以制內丘已矣夫又禮樂不興則刑罰不中刑罰不中則民無所措其手足臣以為漢當制作禮樂是以先帝數下詔書愍傷崩缺而衆儒不不達義多駁異臣累世台輔而大典未定私竊惟憂不忘寢食臣犬馬齒盡誠冀先死見禮樂之定十三年召拜大常復上疏曰漢當作改禮樂圖書著明王者化定制禮功成作樂謹條禮樂異議三事願下有司以時考定者昔孝武皇帝封禪告成而禮樂不定事不相副先帝以詔曹充今陛下但奉而成之由周公斟酌文武之道非自為制誠無疑又執謙曰令大漢之業不以時成非所以章顯宗祖功德建太平之基為後世法雖

帝善之猶未施行

張奮傳

臣天麟曰自秦燔詩書殺術士而三代禮樂堙沒不存高皇帝誅項籍引兵圍魯中諸儒尚講習舊禮弦歌之音不絕此蓋聖人遺化僅存於好學之國者也而漢初君臣不能傳會名儒講習先王制作之禮故叔孫通所起朝儀謂之與秦儀雜就往往猶祖其尊君卑臣之陋習而樂家但有制氏徒能紀其鑿鐸鼓舞而已由是稽古禮文之事君子歎其多闕焉賈誼請興禮樂而文帝謙遜未遑董仲舒言改制作樂而武帝征討四夷未暇晉意禮文之事雖曰興太學修郊祀改正朔定歷數協音律作詩樂建封禪禮百神紹周後史謂號令文章煥焉可述若足以粉飾治平

矣然甘泉實奉秦一之詞音律或雜鄭衛之聲以封禪則感方士之言以宗廟則違七廟之制大典既失末節何譏至宣帝時上吉願與大臣延及儒生述舊禮明王制成帝時劉向因健為古磬之出請興辟雍設庠序隆雅頌之聲盛損遜之容以風化天下其言皆寢而不行其後貢禹毀廟康衡改郊兆何武定三公駸駸嚮於正誼而數罷教復紛紛不能先漢禮樂竟有歎焉世祖宗與張純定郊廟冠婚之制東平王蒼制車服冠冕之儀殘缺之餘賴以正定建武末年初建三雍顯宗即位親行其禮天子始冠通天衣日月備法物之架盛清道之儀威儀既成美矣然而中和之化未流禮樂之文未備識者猶有憾焉永平三年始



用曹充之言正名于樂而其說乃出於尚書璇璣鈴肅宗時曹褒撰次禮制為百五十篇而乃雜以五經識記之文故張酺劾其破亂聖術竟寢不行雖曹氏父子溺於時好而不能守先儒純正之論要亦上之人倫實有以啓之也故嘗謂禮樂之在天下有君無臣則不能明制作之本臣能而君不能則議論無益於當時必得大有為之君而又有善制作之臣因治定功臣之餘而宣明中和之化則禮樂之興庶乎有日矣

### 禮儀

更始將北都洛陽以光武行隸司校尉三輔吏士東迎更始見諸將過皆冠幘而服婦人衣諸子繡鬢莫不笑之或

有謂而走者及見司隸僚屬皆歡喜不自勝老吏或垂涕曰不徒今日復見漢官威儀由是識者皆屬心焉本紀

建武初舊章多闕張純在朝歷世明習故事每有疑議輒以訪純自郊廟婚冠喪紀禮儀多所正定帝甚重之張純傳

建武五年修起太學稽式古典籩豆干戚之容備之於列服方領習矩步者委它乎其中中元元年初建三雍明帝即位親行其禮天子始冠通天衣日月備法物之駕盛清道之儀坐明帝而朝群后登靈臺以望雲物祖輅辟雍之上尊養三老五更饗射禮畢帝正坐自講冠帶縉紳之人園橋門而觀聽者蓋億萬計儒林傳序

永平二年時中興三十餘年東平王蒼以為天下化平宜

興禮樂乃與公卿共議定南北郊冠冕車服制度

東平王傳

曹褒少篤志有大度結髮傳父業尤好礼事常感朝廷制度未備慕叔孫通漢禮儀晝夜研精沈吟專思召拜博士會肅宗欲制定禮樂元和二年下詔曰河圖稱赤九會昌十世以光十一以興高書璇璣鈴曰述堯理世平制禮樂放唐之文予末小子託于數終曷以續興崇弘祖宗仁濟元元帝命驗曰順克考德題期立象且三五步驟優劣殊執况予頑陋無以以克堪雖欲從之未由也已每見圖書中心而心為褒知帝旨欲有興作乃上疏曰昔者聖人受命而王莫不制禮作樂以著功德功成作樂化定制禮所以救世俗致休祥為萬姓獲福於皇天者也今皇天降祉

嘉瑞並臻制作之符甚於言語宜定文制著成漢禮不顯祖宗盛德之美章大常大常巢堪以為一世大典作非褒所定不可計帝知羣僚拘攣難與圖始朝廷禮憲宜時邦立明年復下詔曰朕以不德應祖宗弘烈乃者鸞鳳仍集麟龍並臻甘露宵降嘉穀滋生赤草之類紀於史官朕夙夜祇神上無以彰于先功下無以克稱靈物漢遭秦餘禮壞樂崩宜因循故事未可觀生有知其說者各盡所能褒省詔歎息謂諸生曰昔奚斯頌魯考甫詠殷夫人臣衣義顯君竭忠彰主行之美也當仁不遜吾何辭哉遂復上疏具臣禮樂之本制改之意拜褒侍中從駕南循既還以事下三公未及奏詔召元武司馬班固問改定禮制之宜固



曰京師諸儒多能說禮宜廣招集共議得失帝曰諺言作舍道邊三年不成會禮義之家名為聚訟互生疑異異筆不得下昔堯作大章一夔足矣章和元年正月乃召褒詣嘉德門令小黄門持班固所上叔孫通漢儀十二篇勅褒曰此制散畧多不合經今且依禮修正使可施行於南宮東觀盡心集作褒既集作乃次序禮事依准舊典雜以五經載記之文撰次天子至於庶人冠婚吉凶終始制度以為百五十篇寫以二尺四寸簡其年十二月奏上帝以衆論難以故但納之不復令有司平奏會帝崩和帝即位褒乃作為章句帝遂以新禮三篇冠擢褒監羽林左騎後太尉張酺尚書張敏等奏褒擅制漢禮破亂聖術宜加刑誅

帝雖寢其奏而漢禮遂不行褒傳禮記四十九篇教授諸生千餘人慶氏學遂行于世

曹褒傳

順帝即位尚書令劉光等奏言孝安皇帝聖德明茂早棄天下陛下正統當奉宗廟而茲臣交纒遂立陛下龍潛藩國群僚遠近莫不失望天命有常比鄉不永漢德聖明福作孔章近臣建策左右扶異內外同心稽合神明陛下踐作奉遵鴻緒為郊廟主續祖宗無窮之烈上當天心下厭民望而即位倉卒典章多缺請條案禮儀分別具奏制曰可

紀

獻帝建安二年時始遷都於詩舊章堙沒書記罕存愿劭慨然嘆息乃綴集所聞著漢官禮儀故事凡朝廷制度百

官典式多劭所立應

劭傳

安帝永初中謁者僕射劉珍校書郎劉駟駘著作東觀撰

集漢記因定漢家禮儀

張衡傳

班固曰世祖受命中興撥亂反正改定京師于土中即位三十年四夷賓服百姓家結政教清明廼營立明堂辟雍類宗即位弭其禮儀宗祀光武皇帝于明堂養三老五更於辟雍威儀既盛美矣然德化本流治者禮樂未具群下無所誦說而詳序尚未設之故也孔子曰辟如為山未成一匱止吾止也今叔孫通所撰禮儀與律令同錄臧于理官法家犬溲不傳漢典寢而不著民臣莫有言者又通沒之後河間獻王末禮樂古事稍亡增輯至五百餘篇今學

者不能昭見但推士禮以及天子說義又頗謬異故君臣

長幼交接之道寢以不章

前漢禮樂之注云今謂作志時

范曄論曰漢初天下創定朝制無文叔孫通頗探經禮參酌秦法雖適物觀時有救崩敝然先王之容典蓋多闕文是以賈誼仲舒王吉劉向之徒懷憤嘆息所不能記也資文之遠圖明懿美而終莫或用故知自燕而觀有不盡矣孝章永言前王明發興作專命禮臣撰定國憲洋洋乎盛德之事焉而業絕天算議黜異端斯道竟復墜矣夫三王不相襲禮五帝不相沿樂所以咸莖異調中都殊絕况物運還回情數万化制則不能隨其流變品度未足定其滋草斯固世主所當損益也具樂非夔襄而新音代起律謝



臯蕪見制令亟未修補舊文獨可猜焉礼云礼云曷然其

哉曹褒傳論

### 光武即位告天

建武元年光武即位于鄗為壇于鄗之陽祭天地用元始中郊祭故事六宗群臣皆未從以祖配天地其犢餘牲尚約其文曰皇帝上后土神祇瞻顧降命屬秀黎元為民父母秀不敢當群下百僚不謀同辭咸曰王莽篡殺竊位秀發憤興義兵破王莽百萬眾於昆陽誅王郎銅馬赤眉青犢賊卒定天下海内蒙恩上當天心下為元元所歸識記日劉秀發兵捕不盜卯金修德為天子秀固辭至于三群下曰皇天大命不可稽晉敢不承命志

### 郊祀

建武二年正月初制效兆於雒陽城南七里依鄗采元始中故事為畝壇八陛中又為重壇天地位其上皆南鄉西上其外壇上為五帝位青帝位在甲寅之地赤帝位在丙巳之地黃帝位在丁丑之地白帝位在庚申之地黑帝位在壬亥之地其外為壇重營皆紫以像紫宮有四通道以為門日月在中營內南道日在東月在西北北斗在北道之西皆別位不在群臣列中八陛陸五十八畝合四百六十四畝五帝陸郭帝七十二畝合三百六十畝中營門七五十四神合二百一十六神外營四門七百八神合四百三十二神皆七營內卿中營四門七封神四外營四門七封

神四合三十二神九千五百一十四神營即壇也封七土  
築也皆中營神五星也及中宮宿五官神及五嶽之屬也  
皆外營神二十八宿外宮星雷公先農風伯雨師四海四  
瀆名山大川之屬也至七年五月詔三公曰漢當卻堯其  
與卿大夫博士議時侍御史杜林上疏以為漢起不因緣  
堯與殷周異宜而舊制以高帝配方軍師在外且可如元  
年郊祀故事上從之語在林傳隴蜀平復乃增廣郊祀高  
帝配食位在中壇上西面北上天地高帝黃帝各用犢一  
頭青帝赤帝共用犢一頭白帝黑帝共用犢一頭凡用犢  
六頭日月北斗用牛一頭四營群臣共用牛四頭凡用牛  
五頭凡樂奏青陽朱明西皓元冥及翹育命舞中營四門  
一十六枚皆草簞率一席三神日月北斗無陛郭醜既送  
神犢俎實於壇南之地

臣天麟按三代祭祀之禮至秦泯絕無餘漢興之初君子  
固望其復古矣而考之於史有可憾者自高祖因秦四  
時立黑帝祠而雍五時之祠始且至文帝十五年始行  
親郊之禮又用新垣平言立渭陽五帝廟亦親交拜焉  
及平以詐誅乃不復親祠有使有司以時致禮其後武  
帝又立后土祠于汾陰立秦一祠于甘泉秦一汾陽后  
土與雍五時之祠間歲迭舉而莫有議其非者成帝即位  
丞相康衡御史大夫張譚奏言周文武郊曹鄣成王



郊於雒邑天隨王者之居而饗之甘泉泰畤河東后土之祠宜可徒置長安議者王商師丹翟方進等亦以為聖王祭天地必於圖郊甘泉河東之祠非神靈所饗天子從之於是始定常安南北郊建始二年合祭天地而甘泉河陰五畤陳寶諸祠皆罷焉其後感於禍福或復或罷迄於元始而王莽復奏宜如建始時復南北郊如故莽又頗改其祭禮謂周禮祀天地之樂有故有合故以正月上辛若天子親合祀天地於南郊以冬夏日至使有司別祀天地于南北郊平帝雖可其奏而不及躬行其禮世祖中興制兆於洛陽城南頗采元始故事凡配食之位壇營之次神示之兆牲犢之數秩然有序其亦

幾於古矣然中元之初又營北郊于雒城之北而別祀地祇焉則是天地之祠復折焉二也且五嶽四海四瀆名山大川之神既已列叙于南郊矣今北郊又復奉祠禮煩則亂事神則難其斯之謂歟班固作郊祀志而備載元始之制亦可見其不以人廢言也

### 封禪

建武三十年張純等上言上即位三十年宜封禪曰自古受命而帝治世之隆必有封禪以告成功焉樂動聲儀曰以雅治人風成於頌有周之盛成康之間郊配封禪皆可見也書曰歲二月東循狩至于岱宗柴則封禪之義也臣伏見陛下受中興之命平海內之亂修復祖宗撫存百姓

天下曠然成蒙更生恩德雲行雨澤施黎元安寧夷狄慕  
義詩云受天之命四方來賀今攝提之歲蒼龍甲寅德在  
東宮宜及嘉時遵唐帝之典繼孝武之業以二月東循狩  
封于岱宗明中興勒功勳復祖統報

天神禪梁父祀地祇傳祚子孫萬世之基也詔曰即位  
三十年百姓怨氣滿腹吾誰欺亡天乎曾謂泰山不如  
林放乎何事漢七十二代之編錄威公欲封管仲非之  
若郡縣遠遣吏上壽盛稱虛美必斃兼令屯田從此郡  
臣不敢復言三月上幸魯過泰山告太守以上過故承  
詔祭山及梁父時虎賁中郎將梁松等議記曰齊狩有  
事泰山先有事配林蓋諸侯之禮也河嶽視侯王者祭

焉宜無即事之漸不祭配林三十二年正月上齊夜讀  
河圖會昌符曰赤劉之九會命岱宗不審克用何益於  
承誠善用之姦偽不萌感此文乃詔松等復案索河洛  
讖文言九世封禪事者松等列奏乃許焉初孝武帝欲  
求神仙以扶方者言黃帝由封禪而後仙於是欲封禪  
封禪不常時人莫知元封元年

上以方士言作封禪器以示群儒多言不合於古於是罷  
諸儒不用三月上東上泰山乃上石立之泰山顛遂東循  
海上求仙人無所見而還四月封太山恐所施用非是乃  
秘其事語在漢書郊祀志上許梁松等奏乃求元封時禪  
故事議封禪所使用有司奏當用方石再累置壇中皆方



五尺厚一尺用玉牒書藏方石牒厚五寸長尺三寸廣五寸有檢又用石檢十枚列於石傍東西各三南北各二皆長三尺廣一尺厚七寸檢中刻三處深四寸方五寸有蓋檢用金縷五周以水銀和金以為泥玉璽一方寸二分一枚方五寸石四角又有距石皆再累枚長一丈厚一尺廣二尺皆在圓壇上其下用短石十八枚皆高三尺厚一尺地四尺又用石碑高九尺廣三尺五寸厚尺二寸立壇內地去壇三丈以上以刻書上以用石功難又欲及二月封故詔松欲因故封石空檢更加封而已松上䟽爭之以為登封之禮告功皇天垂後無窮以為萬民也承天之敬尤

宜章明奉圖之瑞尤宜顯著今因舊封竄寄玉牒故石下恐非重命之義受命中興宜當特異以明天意遂使泰山郡及魯趣石工宜取全青石無必五色時以印工不能刻玉牒欲用漆書之會求得能刻王者遂書亡秘刻方石中命容玉牒二月上至奉高遣侍御史與蘭臺令使將工先上山刻石文曰雜建武三十有二年二月皇帝東循狩至於岱宗柴望秩於山川班於群神遂覲東后後臣太尉熹行司徒事進高密侯禹等漢賓二王之後在位孔子之後褒成侯序在東后藩王十二歲來助祭河圖赤伏符曰劉秀發兵捕不道四夷雲集龍闔野四七之際火為主河圖會昌符曰赤帝九世循省得中治平則封誠合帝道孔矩

則文文靈出地祇瑞興帝劉之九會命岱宗誠善用之姦  
偽不萌赤漢德興九世會昌循岱皆當天地扶九世經之  
常漢大興之道在九州之王封于泰山刻石著紀禪于梁  
父退省考五河圖合五篇曰帝劉之秀九名之世帝行德  
封刻政河圖提劉子曰世九之帝方明聖持衡拒九州平  
天下子雒書甄曜度日赤三德昌九世會修符合帝際勉  
刻時孝經鉤命決日予誰行赤劉用帝三建孝九會修專  
茲竭行封岱清河雒命右經讖所傳昔在帝堯听明密微  
遜與舜庶裔握機王莽以舅后之家口可鼎足冢宰之權  
勢依託周公霍光輔幼婦政之義遂以篡叛僭號自立宗  
廟隳社稷喪亡不得血食十有八年揚徐青三州首亂兵

革橫行延及荊州豪傑并兼百里屯聚往往僭號北夷作  
寇千里無烟無難鳴犬吠之聲皇天睠顧皇帝以匹庶命  
受中興年二十八載興兵起是以中次誅討十有餘年罪  
人則斯得黎庶得居爾田安爾宅書同文車同軌人同倫  
舟輿所通人迹所至靡不貢職見明堂立辟雍起靈臺設  
庠序同律度量衡修五祀五玉三帛二牲一死贄吏各修  
戢復曰予舊典在位三十有二年年六十二乾口日吳不  
敢荒寧涉危歷險親循黎元恭肅神祇惠恤耆老理庶遵  
古聰兄明恕皇帝唯謹河圖洛書正文是月辛卯紫登封  
泰山甲午禪梁父以承靈瑞以為兆民永茲一字垂于後  
昆百僚後臣郡守師尹咸蒙祉福永永無極秦相李斯燔



詩書樂崩禮壞建武元年已前文書散亡舊典不具不能明經文以章句細微相况八十一卷明者為驗又有十卷皆不昭哲子貢欲去告朔之餼羊子曰賜也爾愛其羊我愛其禮後有聖人正失誤刻石記二十二日辛卯晨燎祭天於泰山下南方郡神皆從用樂如南郊諸王王者後三公孔子後褒成君皆助祭位事也事畢將升封或曰泰山雖已從實於柴祭今親升告功宜有禮祭於是使謁者以一特牲於常祠泰山處告祠泰山如親耕疆劉先祠先農先虞故事至食時御輦升山日中後到山更衣早晡時即位于壇北面群臣以次陳後西上畢位升壇尚書令奉玉牒檢皇帝一寸二分璽稱封之訖太常命人發壇上石尚

書令藏玉牒已復石覆訖尚書令以五寸印封石檢事畢皇帝再拜群臣稱萬歲命人立所刻石碑乃復道下二十五日甲午禘祭地于梁陰以高后配山川郡神從如元始中北郊故事四月己卯大赦天下以建武三十二年為建武中元元年復博奉高靈勿出元年租芻藁以吉日刻玉牒書亟藏金匱璽印封之乙酉使太尉行事以特告至高廟太尉奉匱以告高廟藏于廟室西北石室高主室之下

張純傳及  
祭祀志

范曄論曰嘗聞儒言三皇無文結繩以治自五帝始有書契至於三王俗化彫文詐偽漸興始有印璽以檢姦崩然而未有金玉銀銅之器也自上皇以來封泰山者至周七

十二代封者未封土為壇柴祭告天代興成功也禮記所謂因名下升中于天者也易姓則改封者著一代之如明不相襲也繼世之王循狩則修以祭而已自秦始皇孝武帝封泰山本由好仙信方士之言造為石檢印封之事也所聞如此雖誠天道難可度知然其大較猶有本要天道質誠約而不費者也故牲有犢器用陶匏殆將無事於檢之間而樂難攻之石也且唯封為改代故曰岱宗夏康周宣由廢復興不聞改封世祖欲因孝武故封實維祖宗之道也而梁松固爭以為必改乃當天既封之後未有福而松卒誅死雖罪由身蓋亦誣神之咎也且帝王所以能大顯于後者實在其德加於民不聞其在封矣

祭祀志

臣天麟按虞書載舜循乎宇岱柴望告祭蓋所以尊天柔百姓初未始有檢玉泥金之事也後世學禮者失其傳於事封禪之說興焉管仲荅齊威公以為古封禪者七十二家皆受命然後得封禪其說既已不經至秦皇漢武誇張治功為銜世耀俗之舉然卒無補於治道光武中興初以大義却群臣之請似稍知義理者然卒惑於讖緯之文張純梁松又從而附會之固不逃於識者之譏矣然武帝始與群臣議封禪皆以禮曠絕莫知其儀體乃盡罷儒費用而率意行之不過如郊祀太一之禮及建武親升告功又特講求元封故事則知二君雖修舉曠典而威儀文物實出於私意之所裁定未嘗稽合



於古聖之典是以言禮者無取焉

東漢會要卷第三



